

Bosna i Hercegovina  
Federacija Bosne i Hercegovine



Bosnia and Herzegovina  
Federation of Bosnia and Herzegovina

KANTON SARAJEVO  
Kantonalna javna ustanova  
za zaštićena prirodna područja

CANTON SARAJEVO  
Cantonal Public Institution  
For Protected Natural Areas

## **P R A V I L N I K O K O R I Š T E N J U V L A S T I T I H P R I H O D A**

Sarajevo, april/travanj 2017. godine

Na osnovu člana 27. Zakona o ustanovama („Službeni list R BiH“, br. 6/92, 08/93 i 13/94) člana 7. stav (1) Uredbe o utvrđivanju vlastitih prihoda, načina i rokova raspodjele (“Službene novine Kantona Sarajevo“, broj 51/16) i člana 26. Pravila Kantonalne javne ustanove za zaštićena prirodna područja, Upravni odbor Kantonalne javne ustanove za zaštićena prirodna područja na petoj redovnoj sjednici održanoj dana 03.05.2017. godine donio je

## **PRAVILNIK O KORIŠTENJU VLASTITIH PRIHODA**

### **I OPĆE ODREDBE**

Član 1.  
(Predmet Pravilnika)

Ovim pravilnikom utvrđuje se vlastiti prihodi Kantonalne javne ustanove za zaštićena prirodna područja (u daljem tekstu: Javna ustanova), način i rokovi raspodjele vlastitih prihoda te završne odredbe.

Član 2.  
(Pripadnost vlastitih prihoda)

Vlastiti prihodi Javne ustanove su javni prihodi Budžeta Kantona Sarajevo, a raspoređuju se u skladu sa ovim pravilnikom.

Član 3.  
(Pojam vlastitih prihoda)

Pod vlastitim prihodima u smislu ovog pravilnika podrazumjevaju se prihodi koje Javna ustanova ostvari obavljanjem osnovne djelatnosti i ostalih poslova koje ostvari po drugim osnovama.

Član 4.  
(Način uplate vlastitih prihoda)

- (1) Javna ustanova vlastite prihode ostvarene u gotovini i dužna ih je uplatiti na depozitni račun Budžeta Kantona Sarajevo (u daljem tekstu: depozitni račun).
- (2) Naplaćena gotovina ne može se koristiti za izmirenje tekućih obaveza.
- (3) Uplata i evidentiranje vlastitih prihoda vrši se u skladu sa članom 4. stav (3) Uredbe o utvrđivanju vlastitih prihoda, načina i rokova raspodjele (“Službene novine Kantona Sarajevo“, broj 51/16).
- (4) Javna ustanova je odgovorna za potpuno i blagovremeno uplaćivanje vlastitih prihoda na depozitni račun.

## II VRSTE VLASTITIH PRIHODA

### Član 5.

(Vrste vlastitih prihoda)

- (1) Javna ustanova vlastite prihode stiče po sljedećim osnovama:
  - a) prodaja ulaznica i karti u zaštićena područja, tačnije područje Spomenika prirode „Vrelo Bosne“ i Zaštićenog pejzaža „Bijambare“;
  - b) naknada za prevoz vozom na elektro pogon;
  - c) ulaznice u Srednju bijambarsku pećinu;
  - d) naknade za parkiranje;
  - e) naknade za iznajmljivanje bicikala;
  - f) naknade za snimanje promotivnih spotova u zaštićenim područjima;
- (2) Vlastite prihode Javna ustanova može ostvariti i u slučajevima propisanim članom 5. stav (2) Uredbe o utvrđivanju vlastitih prihoda, načina i rokova raspodjele.

## III NAČIN I ROKOVI RASPODJELE

### Član 6.

(Način raspodjele)

- (1) Javna ustanova je dužna na osnovu planiranih vlastitih prihoda, planirati i rashode koje će pokriti iz tih prihoda.
- (2) Vlastite prihode iz člana 5. ovog pravilnika Javna ustanova će koristiti za pokriće izdataka nastalih za obavljanje tih poslova, a ostatak za tekuće i kapitalne izdatake.

### Član 7.

(Rokovi raspodjele)

- (1) Vlastiti prihodi mogu se koristiti samo u toku fiskalne godine, a neutrošeni dio vlastitih prihoda postaje javni prihod Budžeta, osim donacija i transfera odobrenih od drugih nivoa vlasti.
- (2) Javna ustanova će ostvarene i naplaćene vlastite prihode rasporediti na rashode u finansijskim mjesečnim planovima izvršenja Budžeta.

### Član 8.

(Praćenje naplate vlastitih prihoda)

Javna ustanova je dužna da redovno prati dospelost i naplatu vlastitih prihoda, putem izvještaja koje dobija od Ministarstva finansija Kantona Sarajevo.

Član 9.  
(Način uplaćivanja i trošenja vlastitih prihoda)

Uplaćivanje i trošenje vlastitih prihoda će se vršiti u skladu sa Uputstvom o prikupljanju, evidentiranju i raspolaganju vlastitim prihodima od strane budžetskih korisnika ("Službene novine Kantona Sarajevo", broj 10/17).

**IV ZAVRŠNE ODREDBE**

Član 10.  
(Davanje mišljenja i saglasnosti)

Na ovaj pravilnik daje mišljenje Ministarstvo finansija Kantona Sarajevo, a saglasnost Ministarstvo prostornog uređenja, građenja i zaštite okoliša Kantona Sarajevo.

Član 11.  
(Prestanak važenja dosadašnjeg Pravilnika)

Stupanjem na snagu ovog pravilnika, prestaje da važi Pravilnik o utvrđivanju vlastitih prihoda, načina i rokova raspodjele i korištenja vlastitih prihoda broj: 205U.O./14 od 24.03.2014. godine.


Član 12.  
(Izmjene i dopune pravilnika)

Izmjene i dopune ovog pravilnika vrše se na isti način i po istoj proceduri koja je predviđena za njegovo donošenje.

Član 13.  
(Stupanje na snagu Pravilnika)

Ovaj pravilnik stupa na snagu davanjem saglasnosti od strane Ministarstva prostornog uređenja, građenja i zaštite okoliša Kantona Sarajevo.

Broj:383U.O./17  
U Sarajevu, 03.05.2017.godine



**Predsjednica  
Upravnog odbora**

*Sanja Isanović*  
Sanja Isanović, dipl. ecc